

Date – 06/08/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

- 1. India Zalenna champha vawi 75-na lawmna kal zel Azadi Ka Amrit Mahotsav hnuaiaah Art & Culture Department chuan zirna in hrang hrangah Tiranga Exhibition an buatsaih tan.
- 2. Vairengte leh Aizawl inkar kawngchhia chak zawka thawm a nih theih nana tlan chawlh puang mek Lirthei a Eizawng Pawl Hrang Hrang ten kawng siam dan an endik dawn an ti.
- 3. Parliament chuan Manipur-a thla ruk dang Presidents rule puan chhonzawm rawtna a pawm
- 4. Prime Minister Narendra Modia leh Philippines President Ferdinand Romualdez Marcos Jr.te chu vawiin khan New Delhi ah an inkawm.

<><><>

TIRANGA YATRA

India Zalenna champha vawi 75-na lawmna kal zel Azadi Ka Amrit Mahotsav hnuaia Tiranga Mahotsav programme chu Art & Culture Department in kalpuin zirna in hrang hrangah Tiranga Exhibition an buatsaih tan.

A nikhatna nimin khan Aizawl khawpui chhunga Zirna in 12-ah Tiranga Exhibition hi neih a ni a, vawiin hian zirna in 12-ah Exhibition hi neih chhonzawm a ni ang. Hemi rual hian Mizorama District tinah Deputy Commissioner ruahmanna-in Tiranga Exhibtion hi neih tan a ni bawk.

Tiranga Exhibition hi August 2 – 8 inkarah hian Zirna In leh Vantlang hmun hrang hrang 79-ah neih tur a ni a, National Flag lo pian chhuah dan te, a awmzia te, India zalenna sualnaah Tiranga a pawimawhzia leh hlutzia te bakah Har Ghar Tiranga Campaign tarlanna a ni a. zirlai ten an hlut hle a ni.

August 9-12 chhung hian state tinah Tiranga Mela, Tiranga Concert, Tiranga Rally te buatsaih a ni ang a. August 13-15 hian National Flag tar runpui neih chhonzawm a ni ang.

DIPR

<><><>

PARTY PR

ZPM Thalai General Headquarter's Aizawl ten Sairang leh Kawnpui inkar kawng chhe lai siam turin nimin khan an hnatlang a, Sairang, Khamrang leh Mualkhang a tlawmngai pawl hrang hrang te hnatlang in an chhuak bawk a ni.

Tun dinhmunah Sairang - Kawnpui inkarah motor tluk theihna tur khawp a khuar chhia a awm tawh lo nia an hmuh thu ZPM Thalai thuchhuah chuan a sawi.

Mizoram chaklakna kawngpui ber, lirthei zawh hleih theih loha hun rei tak a awm hnua ZPM Thalai in hnatlang an nei chu ZPM sorkar mawngghlimna ah Congress Thalai chuan a ngai tih thuchhuah siamin an sawi a.

ZPM Legislature Party chuan rawtna zahthlak tak, ZPM sorkara PWD Minister an rin tawh lohna No Confidence Motion Move in, kawng siam mek viltu tur Minister leh MLA detailment an lo siam tawh an ti a. Hetiang hi thil zahthlak a nih hriain Mizoram enkawl kawngah tihtheih an neih loh zia leh an hlawhchham a ni tih pawm se an ti a ni.

(PR)

<><><>

ROAD CONDITION

Eptu Party ten ZPM kaihhruai sorkar inthlahdah avanga Mizoram chak lakluhna kawngpui chhia in Mizoram ei leh bar zawnna kawngah harsatna namenlo a thlen an ti a, thla 7 chhungin GST pawh a tlahniam zawngin a la kal zel an ti.

Akashvani News Aizawl zawhna chhangin MNF Publicity Board Vice Chairman Pu J Malsawmzuala Vanchhawng chuan kumin ang reng renga kawng chhiat nasat òm leh chumi avanga mipuiten an tawrh nasat òm a la thleng ngai lo a ti a, tuna kawng chhe zual, lirthei tam tak a tan vanga mipuiin harsatna namen lo an tawhna chhan lian ber Kawnpui-New Khamrang chu nikum lamah pawh mipuiten nasa taka an tawrh chhan a lo ni tawh tih sawiin, kum 2024 September thlaah sorkarin Contractor bantirin, a security pawh cheng nuai 35.37 lai a chhuhsak a, amaherawhchu khati khawpa kawng chhe nasa tawh si kha, contractor kut atanga laksak anih hnuah pawh thal chhung zawngin engmah ti mumal lovin Sorkar-in a thlir a, a mutthluk san chhunzawm leh avangin kuminah harsatna namen lo state in a tawk nawn leh mek a ni a ti.

ZPM sorkarin kawng siamna tur bika chhiah a lak Road Maintenance Cess tling khawm pawh June thla thleng khan cheng vbc 25 nuai 54 sing 5 & 7,771 zet a tling tawh tih sawiin sum nei nei reng chung si leh kawng a chhe nasa hle dawn tih hre lawk reng chung sia sorkarin mipuite tawrhna a thlentir tho mai chu hriatthiam harsa a tih thu a sawi a, Mizoram economy a hniam phah a, thla 7 chhung a zawn zatin Mizoram GST lakkhawm chu a tla hniam a, sumdawngten bungrua an ti thleng mumal thei lo a, bawngnhnute a vang a, nitin mamawh indaih lohna a thleng mek a, in sakna bungrua a awm loh avangin inhlawhfa tam tak, thawh tur nei lovin an awm a, hei hian state economy tlahniam mek nasa takin a belhchhah mek a ti a. Hetihlaia sorkar hotu thenkhatin mawhpuh tur dang a dap kual phei hi chu mipui zah lohna a tling a, a vanduaithlak tak zet a ni, a ti.

Congress Treasurer Dr Lalmalsawma Nghaka pawhin tunlai kawngchhia chu sumdawngte bakah lirtheia eizawng leh mipui nawlpuiin an tuar tawh hle a ti a. Hei hian Mizoram economy a nghawng lo thei lo tih sawiin, thla 8 dawn lai chu Mizoram GST lakkhawm chu a tlahniam chak hle a, thla thenkhatah phei chuan zaa 30 dawn ten a tlahniam tih sawiin, hei hian mipui a nghawng hle a ti.

Mizoram sorkar chuan thal lai khan kawngpui pawimawh hi ngaihtuah ni se tun ang hian an buai a rin lo thu a sawi a, Mizoram hmun dang Mamit, Khawhruhlian leh Thenzawl atanga Lunglei panna kawngah te pawh lirthei tan tlan a hrehawm hle tih sawiin, hei vang hian thil phur man a to phah vek a, hei hian mipui nawlpuite chu a nghawng ber thin tih sorkar chuan hre chiang se a duh tih a sawi.

BJP Mizoram Joint Treasurer F Lalremsangi chuan nikum lamah Cyclone Remal vanga Mizoram hmun hrang hrang inkalpawh thei lova an awm avangin kuminah chuan Mizoram sorkar chuan inpuahchahna tha tak nen furpui a hmachhawn an beisei laiin, Mizoram chaw laklulhna kawng ber, Kawnpui to Khamrang kawng, Silchar atanga Mizorama lirthei luhna chhe lutuk leh inpuhmawhna thlengte chu pawl an ti hle tih a sawi a, Mizorama hmasawwna ruhrel te chu sorkar laipui atanga lut ni mah se, a enkawl hna chu Mizoram sorkar tihtur pawimawh tak a ni a ti a, vawiin thlenga kawngpui tha taka siam a la ni lo chu zahthlak a tih thu a sawi. Mizoram a la intodelh loh em avangin mipuite zingah ei leh in tur nei mumal tawh lo an awm a nih chuan a tanpui turin BJP a inpeih reng a ti a, ram hruaitu atana MLA thlan tlin te bakah party hrang hrangte chu sorkarna siam thlahlel ringawt lovin mipui tana ding tlat a, kawngpui pawimawh te a that theih nan tangruala thawk ho tura a duh thu a sawi a ni.

<><><>

COMMERCIAL VEHICLES PR

Vairengte leh Aizawl inkar kawngchhia chak zawka thawm a nih theih nana tlan chawlh puang mek Lirthei a Eizawng Pawl Hrang Hrang te Joint Committee chuan hun lokal leh turah fur laia innawr vak ngai tawh lo turin sorkar chuan inhmakhawsuih nachang hre tawh se an duh tih an sawi.

Committee thuchhuak chuan, Sairang leh Vairengte inkar kawng pawh TLAN CHAWLH puan hnang ngai khawp a hma an la chak lo chu a pawl tak zet a, tullovah Lirthei a eizawng te leh mipui a tawrhna a thleng hi Lirthei a eizawng pawl hrang hrang te Joint Committee chuan a pawl an ti tak zet tih an sawi a ni.

Lirthei a eizawng pawl hrang hrang te Joint Committee chuan Sorkar hmalakna hi vawiin hian an en dawn tih an sawi bawk a. An thil hmuh a zirin an kal zel dan tur pawh a tul angin an ngaihtuah zel ang an ti a, Helai a hmalakna hi an vil zui reng dawn an ti a ni.

Lirtheia eizawng pawl Chief Convener Pu Robert Lalrinawma chuan sorkarin kawng tha zawk a siam theihna tura Lirthei Tlan chawlh an puan avanga ni 2\1 chhung an ding ringawt pawh lirtheia eizawngte tan chuan channa nasa tak a ni a ti a, an eizawwna a tawp rih ang a ni tih sawiin, Loan rul mek te tan ni khat lek din pawh a uihawm a, loh theih loh a an din a ngaih laiin an loan erawh a pung zel tho si chu an harsatna tawh lian tak te zing a mi a ni a ti a, hei bakah hian bungraw lirthei an tlan loh avangin Mizoram chhungah bungrua a van phah a, chu chuan mipuih harsatna a thlen phah chu a pawl an ti hle tih a sawi.

(PR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

UTTARKHAND

Uttarakhand-a Uttarkashi district chhung Dharali khuaah ruah baw hawk avanga Kheer Ganga lui tui lianin chhiatna nasa tak thlenin mi pali an thi a, mi dang engemawzat chin hriat lohin an awm. District Emergency Operation Centre atanga thudawn danin tuilian thut hian bazar hmunte, chenna in, hotel leh dawr tam tak a ti chhia a. Hriat theih chinah mi pali an thi

a, midang engemawzat chin hriat lohin an bo niin District Magistrate Prashant Arya chuan a sawi.

Chhanchhuah hna ngawrh taka thawh nghal a ni a. Sipai, SDRF, NDRF, district thuneitute leh a kaihhnawih thuneituten ngawrh takin chhanchhuah hna an thawk a ni. State Disaster Management Secretary Vinod Kumar chuan sawrkar lamin an inralring reng tih sawiin chhiatna tawkte chhawmdawl turin theitawp an chhuah tih Akashvani a hrilh a ni.

President Droupadi Murmu chuan vanduaina thlenga thi chhungte a tawrhpuì thu a sawi a. Prime Minister Narendra Modia leh Union Home Minister Amit Shah te pawhin Uttarakhand Chief minister bia in thil thlen dan kimchang an zawt a. PM Modia chuan state sawrkar vilna hnuaiah chhanchhuah hna ngawrh taka thawh a nih thu a sawi a ni. Union Home Minister Amit Shah chuan Indo Tibetan Border Police team thum leh National Disaster Response Force team li te chhanchhuah hna thawk tura tirh an nih thu a sawi a. Hetihlai hian sipaite chuan chhiatna thlenna hmunah hian civil mi 20 dam taka chhanchhuah an nih thu an sawi a. Hliam tuarte pawh Indian Army hmunpui Harshil-a damdawiinah lak an nih thu an sawi a ni.

(Newsonair)

<><><>

KARTAVYA BUILDING

Prime Mninister Narendra Modia chuan vawiin ah New Delhi-a Kartavya Bhavan-3 building Kartavya Path ami a hawng dawn. Kartavya Bhavan-3 hi Central Vista tihlenna pakhat a ni a. Central Secretariat building sak zingah hawn theiha peih hmasak ber a ni a. Tunlai changkanna milin Kartavya Bhavan hi sak a ni a. Sawrkar hna leh lehkha paiwmawhte rang zawka bawhzui anih theih nan ministry pawimawh zualte he building ah hian dah khawm an ni dawn a. Union Ministry hrang hrang Home, External Affairs, Rural Development, MSME, DoPT, Petroleuam and Natural Gas, leh Principal Scientific Adviser te an insuanltu dawn a ni.

(Nwsonair)

<><><>